

Temporario nga Addang iti Panagdarum Gapu iti Seksual a Panangrribuk

Ti Title IX ket linteg pederal a mangiparit iti diskriminasion gapu iti sekso iti aniaman a programa wenna aktibidad a pang-edukasion nga umaw-awat iti pinansial a tulong. Ti Title IX iparitna ti seksual a panangrribuk kasta met ti seksual a kinaranggas kas iti panangrames, seksual a panangatake ken seksual a panangpilit; aniaman ti sekso ti sabali; ken adda man wenna awan ti naipila a kriminal a report.

Idi Mayo 19, 2020, ti United States Department of Education (US DOE) Office for Civil Rights inruarna dagiti baro a regulasion ti Title IX. Ti petsa a panagepekto ti pannakayimplementar dagiti baro a regulasion ti Title IX **ket Agosto 14, 2020**.

Panggep

Ti Hawaii State Department of Education (HIDOE) mangaramidto iti permanente a Hawaii Administrative Rule (HAR) tapno maasikaso dagiti baro a regulasion ti Title IX. Dagiti baro a regulasion ti Title IX ket mangisingasing iti proseso ti panagipila iti kaso gapu iti seksual a panangrribuk a masapul a masurot, ken sakbay a maipataw ti aniaman a kita ti panangdisipilina. Gapuna, nangaramid ti HIDOE iti Temporario nga Addang iti Panagdarum Gapu iti Seksual a Panangrribuk (Temporario nga Addang) tapno maasikaso dagiti reklamo ti seksual a panangrribuk agingga a makompleto ti baro a HAR. Ti Temporario nga Addang ket pagsurotan iti proseso ti panagdarum tapno maasikaso dagiti report ken reklamo ti seksual a panangrribuk kontra kadagiti estudiante iti aniaman a programa wenna aktibidad ti HIDOE. Panggep ti HIDOE a siguraduen a mapadasan dagiti estudiante ti eskuelaan nga awanan iti diskriminasion ken panangrribuk, a pakairamanan ti seksual a panangrribuk.

- a. Dagus a mangaramid ti HIDOE iti mayanatup nga addang tapno agsardeng ti seksual a panangrribuk a mapasasamak iti maysa a programa wenna aktibidad a pang-edukasion, kas nadepinar iti Temporario nga Addang, tapno malapdan ti pannakaulit ken maremediuan dagiti epekto ti seksual a pannakarirribuk dagiti agrekreklamo wenna dadduma pay, kas maiparbeng.
- b. Ti Civil Rights Compliance Branch (CRCB) responsabilidadna nga iyimplemetar dagitoy nga addang. Dagiti responsabilidad ti CRCB ramanenna ti panang-monitor kadagiti pormal a reklamo ti seksual a panangrribuk, panangimbestigar kadagiti pormal a reklamo ti seksual a panangrribuk, panangted iti pakaammo iti contact information para iti Title IX Coordinator(s), kasta met iti panangyimplementar kadagiti addang tapno maasikaso ti kababalin a seksual a panangrribuk, panangsanay kadagiti estudiante, empleado, boluntario ti HIDOE, ken dadduma pay a third party maipapan kadagiti kalintegangan ken responsabilidadda a konektado iti seksual a panangrribuk.
- c. Dagitoy a Temporario nga Addang ket agaplikar iti kababalin dagiti estudiante a nayenrol iti maysa nga eskuelaan ti HIDOE bayat ti regular a tawen ti panageskuela, panagklase iti summer, wenna iti nagbabaetan dagiti klase, aniaman ti edad ti maysa, kasta met ti kababalin dagiti agdama ken dati nga empleado, boluntario ti HIDOE, ken dagiti third party, no ti maipagarup nga aramid ket napasamak iti programa wenna aktibidad a pang-edukasion ti HIDOE, kas nadepinar iti Temporario nga Addang.
- d. Masapul a surotan ti HIDOE ti Title IX ti Educational Amendments of 1972, Public Law 92-318, iti panangipakatna iti Temporario nga Addang.

Temporario nga Addang iti Panagdarum Gapu iti Seksual a Panangrribuk

1. Dagiti Depinasion

Ti “aktual nga ammo” kaipapananna ti pakaammo ti seksual a panangrribuk wenno alegasion iti seksual a panangrribuk iti asinoman nga empleado ti maysa nga elementary ken secondary school.

Kaipapanan daytoy a no adda asinoman nga empleado ti HDOE ket naikkan iti pakdaar iti seksual a panangrribuk wenno alegasion iti seksual a panangrribuk, masapul nga ireportda dayta nga ammoda iti administrator wenno supervisor-da.

Kalpasanna, dagiti administrator ken supervisor masapul nga ireportda ti impormasion iti Civil Rights Compliance Branch (CRCB).

Ti “pakaammo” ramanenna, ngem saan laeng a dayta, ti report ti seksual a panangrribuk iti Title IX Coordinator wenno iti asinoman nga empleado ti HDOE, ken obserbasion wenno pannakakita iti seksual a panangrribuk ti asinoman nga empleado ti HDOE.

Ti “agrekreklamo” kaipapananna ti indibidua a maipagarup a biktima ti aramid a seksual a panangrribuk.

Ti “pammalubos” kaipapananna ti mayat, sipupuot, ken boluntario a pannakitulag a mangaramid iti napagsaritaan a porma ti seksual a panangsagid. No ti estudianta ket puntiria ti seksual a panangatake sa awan pay iti edad a mangipalubos, maibilang nga awan ti naited a pammalubos.

Ti “CRCB” kaipapananna ti Civil Rights Compliance Branch, ti institusion iti uneg ti HDOE a mangsigurado a ti HDOE ket sumursurot ken iyim-implementarna dagiti linteg pederal ken estado, ken dagiti polisia ken paglintegan iti uneg ti HDOE a konektado kadagiti sibil a kalintegan dagiti estudianta ken empleado. Ti CRCB responsabilidadna met nga imonitor ken/wenno agimbestigar iti diskriminasion gapu iti sekso, pakairamanan ti seksual a panangrribuk.

Ti “pannakideyt a panangabusu” kaipapananna ti kinaranggas nga inaramid ti maysa nga adda ti agdama wenno dati a romantiko wenno nasinged a relasiona iti biktima. Ti kaadda ti kasta a relasion ket matingiting base iti ibaga ti agrepreport ken maikonsiderar ti kapaut ti relasion, klase ti relasion, ken kasansan ti panagsarita dagiti indibidua a karaman iti relasion. Para iti daytoy a depinasion, ti pannakideyt a panangabusu ramanenna, ngem saan laeng a dagita, ti seksual wenno pisikal a panangabusu wenno panagpeggad iti kasta a panangabusu. Ti pannakideyt a panangabusu saanna a ramanen ti ar-aramid a saklaw ti depinasion ti kinaranggas iti pamilia.

Ti “kinaranggas iti pamilia” kaipapananna ti kinaranggas nga inaramid ti agdama wenno dati nga asawa wenno nasinged a partner ti biktima; ti tao a kinaubingan ti biktima; ti tao a ka-live in wenno dati a ka-live in ti biktima kas asawa wenno nasinged a partner; ti tao a kabbalay ti asawa ti biktima iti sidong dagiti linteg ti kinaranggas iti pamilia ti State of Hawaii;¹ wenno ti asinoman a kontra iti maysa nga adulto wenno agtutubo a biktima ket protektado iti ar-aramid dayta a tao sigun kadagiti linteg iti kinaranggas iti pamilia ti State of Hawaii.²

¹ Kitaen ti Haw. Rev. Stat. §586-1, Haw. Rev. Stat. §709-906.

² Id. Kitaen met, Haw. Rev. Stat. §571-2.

Temporario nga Addang iti Panagdarum Gapu iti Seksual a Panangriribuk

Ti “programa wenno aktibidad a pang-edukasion” kaipapananna dagiti lokasion, okasion, wenno situasion a dakkel ti kontrol ti HIDEOE iti partisipante ken ti situasion a nakaaramidan ti seksual a panangriribuk.

Ti “pormal a reklamo” kaipapananna ti maysa a dokumento nga impila ti agrekreklamo wenno wenno pinirmaan ti Title IX Coordinator a mangak-akusar iti partisipante iti seksual a panangriribuk ken agkidkiddaw nga imbestigaran ti HIDEOE ti alegasion ti seksual a panangriribuk. Iti tiempo a pannakaipila ti pormal a reklamo, masapul a ti agrekreklamo ket karaman wenno panggepna ti makiraman iti programa wenno aktibidad ti HIDEOE, a dayta ti nakaipilaan ti pormal a reklamo. Ti pormal a reklamo ket mabalin nga ipila a mismo iti Title IX Coordinator, babaen ti koreo, wenno babaen ti electronic mail, babaen ti panangusar iti contact information a nailista iti Title IX Coordinator, ken babaen ti aniaman a kanayonan a naibaga a pamay-an.

Ti “dokumento nga impila ti agrekreklamo” kaipapananna ti maysa a dokumento wenno elektroniko a panangisumitir (kas iti electronic mail wenno online portal a nairanta iti daytoy a panggep) nga aglaon iti pisikal wenno digital a pirma ti agrekreklamo, wenno saan, madakamat a ti agrekreklamo ket isu ti agipilpila iti pormal a reklamo. No pirmaan ti Title IX Coordinator ti pormal a reklamo, ti Title IX Coordinator saan nga isu ti agrekreklamo wenno ti sabali a partido.

Ti “HIDEOE” kaipapananna ti Hawaii State Department of Education.

Ti “naidarum” kaipapananna ti indibidua a nareport a makin-aramid iti maibilang a seksual a panangriribuk.

Ti “seksual a panangatake” kaipapananna ti aniaman a pananggandat wenno aktual a seksual nga aramid kontra iti sabali a tao, a saan nga impalubos ti biktima, pakairamanan dagiti kaso a di kaya ti biktima ti mangibaga iti pammalubos.

- Ti panangrames ket panangserrek, kasano man karabawna, iti uki wenno kerret, babaen ti aniaman a paset ti bagi wenno banag, wenno panangmulmol wenno panangisagid ti ngiwat iti mabagbagi ti sabali, nga awan ti pammalubos ti biktima. Daytoy a basol ramanenna ti pannakarames ti lallaki ken babai.
- Ti panangay-ayam/panangapros ket panangsagid iti pribado a paspaset ti bagi ti sabali a tao tapno mapennek ti seksual a tarigagay, nga awan ti pammalubos ti biktima, pakairamanan dagiti kaso a di kaya ti biktima ti mangted iti pammalubos gapu iti edadna wenno gapu iti temporario wenno permanente a di pannakabael ti isipna.
- Ti inesto ket panagseks ti dua a tao nga asideg unay nga agkabagian ken iparit ti linteg nga agasawada.
- Ti statutory a panangrames ket pannakiseks iti maysa a menor de edad.

Ti “seksual a panangriribuk” kaipapananna ti aramid a konektado iti sekso a mabalin a maysa wenno ad-adu pay iti sumaganad: (1) Empleado ti HIDEOE a mangikondision iti probision iti maysa a tulong, benepisio, wenno serbisio ti HIDEOE iti partisipasion ti maysa nga indibidua iti di maawat a seksual nga aramid; (2) Di maawat nga aramid nga inkeddeng ti rasonable a tao kas nakakarkaro, sobra, ken talaga a nakaal-alas, a rason a pakaikkatan ti maysa iti programa wenno aktibidad a pang-edukasion ti HIDEOE; wenno (3) “Seksual a panangatake,” “pannakideyt a panangabusos,” “kinaranggas iti pamilya,” wenno “nalimed a panangsurot.”

Ti “nalimed a panangsurot” kaipapananna ti adda intensionna nga aramid a naiturong iti maysa a tao a makagapu nga agamak ti rasonable a tao iti kinatalgedna wenno iti kinatalged ti

Temporario nga Addang iti Panagdarum Gapu iti Seksual a Panangriribuk

sabsabali; wenna makarikna iti nakaro nga emosional nga istres. Para iti daytoy a depinasion, ti “adda intensionna nga aramid” kaipapananna ti dua wenna tallo a tignay, pakairamanan, ngem saan laeng a dayta, dagiti tignay a ti nalimed a sumursurot ket direkta, di direkta wenna babaen dagiti third party iti aniaman nga aksion, metodo, instrumento, wenna pamay-an, surotenna, imonitorna, obserbaranna, siputanna, pangtaanna, wenna makikomunikar wenna agdamag maipapan iti maysa a tao, wenna makibiang iti sanikua ti maysa a tao. Ti “reasonable a tao” kaipapananna ti reasonable a tao a kapadana ti situasion ken pakabigbigan ti biktima. Ti “nakaro nga emosional nga istres” kaipapananna ti grabe a panagsagaba wenna pannakaburibor iti mental, a mabalin, ngem saan a kanayon, nga agkasapulan iti medikal wenna sabali pay a propesional a panangagagas wenna balakad.

Dagiti “mangsuporta nga aksion” kaipapananna ti di-naindisiplinaan, di-mangdusa a pang-individual a serbisio a mayoprese no mayanatap, no nainrasonan nga adda, ken libre para iti agrekreklamo wenna iti naidarum sakbay wenna kalpasan a naipila ti pormal a reklamo wenna no awan ti naipila a pormal a reklamo. Nadisenio dagiti kasta nga aksion tapno maisubli wenna mataginayon ti patas a pribileho iti programa ken aktibidad a pang-edukasion ti HIDEOE a saan a mapadagsenan ti sabali a partido, pakairamanan dagiti addang a nadisenio a mangprotektar iti kinatalged ti amin a partido iti programa a pang-edukasion ti HIDEOE, wenna manglapped iti seksual a panangriribuk. Dagiti mangsuporta nga aksion mabalin a ramanenna ti panangbalakad, panangyalud-od iti deadline wenna dadduma pay nga adjustment a konektado iti kurso, panangbalbaliw iti iskediul ti trabaho wenna klase, serbisio a panangguardia iti uneg ti campus, agpada a pannakaiparit ti panagkinnontak ti agsumbangir a partido, panangbalbaliw iti pagtrabahuan wenna pagyanan, panag-leave of absence, mas istrikto a seguridad ken panangmonitor iti espisipiko a lokasion iti campus, ken dadduma pay nga umaspang nga addang. Masapul a pagtalinaeden ti HIDEOE kas kompidensial ti aniaman a mangsuporta nga aksion a naipaay iti agrekreklamo wenna iti naidarum, agingga a ti panangtaginayon iti kasta a kompidensial a banag saanna a pakapuyen ti abilidad ti HIDEOE a mangipaay kadagiti mangsuporta nga aksion. Ti Title IX Coordinator ti makinresponsabilidad a mangsigurado iti epektibo a pannakayimplementar dagiti mangsuporta nga aksion.

2. Kapaut a Mangkompleto iti Proseso ti Panagreklamo

- a. Ti proseso ti panagreklamo, pakairamanan dagiti apelar, ket masapul a makompleto iti uneg ti 90 nga aldaw.
- b. Daytoy a kapaut ket mabalin a temporario a maitantan, wenna mayalud-od gapu iti nasayaat a rason, ken naikkan ti agrekreklamo ken ti naidarum iti naisurat a pakaammo maipapan iti pannakaitantan wenna pannakayalud-od ken ti rason dayta a tignay. Ti nasayaat a rason mabalin a ramanenna dagiti konsiderasion kas iti:
 - i. Kaawan ti maysa a partido, ti advisor ti maysa a partido, wenna maysa a testigo;
 - ii. Aggidgidan nga aktibidad a mangipatungpal iti linteg; wenna
 - iii. Panagkasapulan iti agipatarus wenna gapu iti disabilidad wenna sagubaniit.
- c. No ti proseso ti panagreklamo ket temporario a naitantan wenna nayalud-od gapu iti nasayaat a rason iti labes ti 90 nga aldaw, pakaammuan ti investigator ti agrekreklamo ken ti naidarum babaen ti surat maipapan iti kasasaad ti proseso ti panagreklamo, sa mangted iti update iti dayta iti kada 30 nga aldaw.

Temporario nga Addang iti Panagdarum Gapu iti Seksual a Panangrribuk

3. Kinakompidensial

- a. Masapul a mapagtalinaed a kompidensial ti pakabigbigan ti asinoman a nagreport wenno nagreklamo iti seksual a panangrribuk, pakairamanan ti asinoman a nagreport wenno nagipila iti pormal a reklamo iti seksual a panangrribuk, asinoman nga agrekreklamo, asinoman a naireport a makin-aramid iti seksual a panangrribuk, asinoman a naidarum, ken asinoman a testigo, malaksid no ipalubos ti Family Educational Rights and Privacy Act (FERPA),³ wenno kalikaguman ti linteg, wenno ipatungpal dayta dagiti panggep ti Title IX ken dagitoy a Temporario nga Addang, pakairamanan ti aniaman a tumaud nga imbestigasion, panangbista, wenno panangdengngeg ti korte.

4. No Kasano nga Ireport Dagiti Alegasion ti Seksual a Panangrribuk

- a. Mabalín ti asinoman ti mangireport iti seksual a panangrribuk, babaen man iti sao wenno surat.
- b. Mabalín nga ireport ti seksual a panangrribuk ken/wenno alegasion iti seksual a panangrribuk babaen kadagitoy a pamay-an:
 - i. Personal a panangibaga;
 - ii. Babaen ti maibuson a surat;
 - iii. Babaen ti e-mail; ken/wenno
 - iv. Babaen ti telepono.
- c. Mabalín ti direkta nga agreport iti Title IX Coordinator wenno iti asinoman nga empleado ti eskuelaan, pakairamanan dagiti administrator, faculty, ken staff.

5. Aksion iti Alegasion ti Seksual a Panangrribuk

- a. No aktual nga ammo ti HIDEOE ti seksual a panangrribuk, masapul nga agtignay nga awanan iti diskriminasion.
- b. Adda inggagara a diskriminasion no ti aksion ti HIDEOE iti seksual a panangrribuk ket nalawag a di rasonable base iti nalawag nga ammo a kasasaad.
- c. Apaman a maawat ti HIDEOE ti report a seksual a panangrribuk, masapul nga aramidenna dagiti sumaganad:
 - i. Dagus a kontakenna ti agrekreklamo tapno pagsaritaanda dagiti adda a mangsuporta nga aksion;
 - ii. Ikonsiderarna dagiti kiddaw ti agrekreklamo mainaig kadagiti mangsuporta nga aksion;
 - iii. Pakaammuanna ti agrekreklamo maipapan kadagiti adda a mangsuporta nga aksion, mangipila man wenno saan iti pormal a panagreklamo; ken
 - iv. Ilawlawagna iti agrekreklamo ti proseso ti panagipila iti pormal a reklamo.

³ 20 U.S.C. § 1232g; 34 CFR Part 99.

Temporario nga Addang iti Panagdarum Gapu iti Seksual a Panangrribuk

- d. Sakbay a maipataw ti aniaman a mangdisiplina a pannusa wenno dadduma pay nga aksion a saan a maibilang a mangsuporta nga aksion kontra iti naidarum, masapul a suroten ti HIDEOE ti addang iti pormal a panagreklamo a naipakita iti Section 7, Dagiti Addang iti Pormal a Panagreklamo.

6. Panangisumitir iti Pormal a Panagreklamo iti Seksual a Panangrribuk

- a. No ti agrekreklamo kayatna a rugian ti proseso ti panagreklamo iti Title IX, masapul a mangisumitir iti pormal a reklamo.
- b. Ti pormal a reklamo ket masapul a pinirmaan ti agrekreklamo, wenno naibaga a ti agrekreklamo ti mangipilpila iti pormal a reklamo. Ti pirma iti pormal a reklamo ket mabalin a pisikal wenno digital a pirma. Dagiti nagannak wenno legal nga agay-aywan ket mabalin nga agtignay para kadagiti menor de edad nga estudiante, pakairamanan ti bambanag mainaig iti panagipila iti pormal a reklamo.
- c. Wenno saan, ti Title IX Coordinator mabalin a mangisumitir iti pormal a reklamo, no pilien ti agrekreklamo ti saan nga agisumitir iti pormal a reklamo. Iti kakasta a situasion, ti Title IX Coordinator ket saan a maibilang nga isu ti agrekreklamo wenno maysa a partido iti proseso ti panagreklamo.
- d. Ti pormal a reklamo ket mabalin a personal nga ipila iti Title IX Coordinator, babaen ti maibuson a surat, babaen ti email, wenno babaen ti aniaman a kanayonan a maipalubos a pamay-an.
- e. Iti tiempo a maisumitir ti pormal a reklamo, masapul a karaman ti agrekreklamo wenno panggepna ti makiraman iti maysa a programa wenno aktibidad a pang-edukasion.
- f. Awan ti limitasion ti tiempo no kaano a mabalin ti agrekreklamo ti agipila iti pormal a reklamo, no la ketdi makiparpartisipar pay laeng wenno panggepna ti makipartisipar iti maysa a programa wenno aktibidad a pang-edukasion.

7. Dagiti Addang iti Pormal a Panagreklamo

- a. Ti madi a pannakatrato ti agrekreklamo wenno ti naidarum base iti pormal a reklamo iti seksual a panangrribuk ket mabalin a maibilang a seksual a diskrimnasion base kadagitoy a proseso ti panagreklamo.
- b. Ti panangisumitir iti pormal a reklamo ti mangirugi iti proseso ti panagreklamo.
- c. Apaman a maawat ti pormal a reklamo, masapul a mangted ti HIDEOE iti naisurat a pakaammo ti alegasion kadagiti karaman a partido, no ammona dagita. Ti naisurat a pakaammo ti alegasion masapul a ramanenna dagiti sumaganad nga impormasion:
 - i. Pakaammo ti proseso ti panagreklamo;
 - ii. Pakaammo dagiti alegasion ti seksual a panangrribuk a posible a maibilang a seksual a panangrribuk, pakairamanan dagiti umdas a detalye nga ammo iti daya a tiempo ken ti umdas a tiempo nga agisagana iti sungbat sakbay ti aniaman a damo nga interbiu. Ti ramanen dagiti umdas a detalye ket:
 - a. Ti kinasiasino dagiti partido a karaman iti insidente, no ammo;

Temporario nga Addang iti Panagdarum Gapu iti Seksual a Panangrribuk

- b. Ti maipagarup nga aramid a maibilang a seksual a panangrribuk, no ammo; ken
 - c. Ti petsa ken lokasion ti maipagarup nga aramid, no ammo;
 - iii. Testamento a ti naidarum ket maibilang a saan a responsable iti maipabpabasol kenkuana, ken ti panangikeddeng no asino ti makinresponsabilidad ket maaramid iti ngudo ti proseso ti panagreklamo;
 - iv. Testamento a dagiti karaman a partido ket posible a maaddaan iti pilienda nga advisor, a mabalin nga abogado, ngem saan a maikalikagum a kasta;
 - v. Dagiti karaman a partido mabalin nga usigen ken irebiuda dagiti ebidensia;
 - vi. Impormasion maipapan kadagiti adda a proseso ti impormal a resolution, no adda;⁴ ken
 - vii. Pakaammuan dagiti karaman a partido iti aniaman a polisia a mangiparit iti inggagara a panagaramid kadagiti ulbod a testamento wenno inggagara a panangisumitir iti ulbod nga impormasion bayat ti proseso ti panagreklamo.
- d. No, bayat ti proseso ti panagreklamo, ikeddeng ti investigator nga imbestigaran dagiti alegasion maipapan iti agrekreklamo wenno iti naidarum a saan a nairaman iti orihinal a naisurat a pakaammo dagiti alegasion, masapul a mangipaay ti investigator iti naisurat a pakaammo dagiti kanayonan nga alegasion kadagiti partido nga ammo ti kinasiasinoda.
- e. Masapul a maibasura dagiti pormal a reklamo gapu kadagiti sumaganad a rason:
 - i. Ti maipagarup nga aramid ket saan a maibilang a seksual a panangrribuk, kas nadepinar iti daytoy a Temporario nga Addang, uray no napaneknekan;
 - ii. Iti tiempo a napasamak ti maipagarup nga aramid, ti agrekreklamo ket saan a makipartisipar wenno awan panggepna a makipartisipar iti maysa a programa wenno aktibidad a pang-edukasion;
 - iii. Dayta nga aramid ket saan a napasamak bayat ti maysa a programa wenno aktibidad a pang-edukasion; wenno
 - iv. Ti aramid ket saan a napasamak kontra iti maysa a tao iti United States.
- f. No ti pormal a reklamo ket naibasura, addanto ngarud naisurat a pakaammo ti pannakaibasura ken dagiti rason nga aggidan a maipatulod kadagiti karaman a partido iti uneg ti tallo (3) nga aldaw ti kasta a pangngeddeng
 - i. Ti naisurat a pakaammo ti pannakaibasura masapul a ramanenna ti maysa a testamento a mangibagbaga nga adda kalintegan dagiti karaman a partido nga agapelar iti desision a pannakaibasura.
 - ii. No ti maysa a partido kayatna nga iyapelar ti panangibasura, ti kiddaw iti panagapelar ket masapul a maawat iti uneg ti pito (7) nga aldaw iti petsa ti naisurat a pakaammo ti pannakaibasura.
 - iii. No ti kiddaw nga agapelar iti pannakaibasura ket saan a maawat iti petsa a naibaga iti naisurat a pakaammo ti pannakaibasura, ti desision a panangibasura iti pormal a reklamo ket maibilang a pinal.

⁴ no ti §106.45(b)(2)(i)(A) kalikagumanna a ti Pakaammo ti Alegasion ramanenna ti pakaammo ti proseso ti panagreklamo, pakairamanan ti aniaman a proseso ti impormal a resolution. Nupay kasta, ibaga ti §106.45(b)(9)(iii) a dagiti impormal a resolution ket saan a makaipaay iti proseso ti impormal a resolution kas pangsolbar iti alegasion a nakaaramid ti maysa nga empleado iti seksual a panangrribuk iti maysa nga estudiante. Gapuna, ti Pakaammo ti Alegasion para iti estudiante/empleado ket saanna a ramanen ti impormasion maipapan iti impormal a proseso.

Temporario nga Addang iti Panagdarum Gapu iti Seksual a Panangriribuk

- g. No maibasura ti pormal a reklamo, mabalin latta nga ituloy ti HIDEOE ti panangasikaso iti maipagarup nga aramid sigun iti dadduma nga agaplikar a pagalagadan ti HIDEOE ken/wenno kadagiti polisia ti Board of Education (BOE).
- h. No saan a naibasura ti pormal a reklamo, adda CRCB Equity Specialist a maapointaran a mangimbestigar kadagiti alegasion a linaon ti reklamo.
- i. No adda baro nga impormasion bayat ti proseso ti panagreklamo a posible nga agresulta iti pannakaibasura ti pormal a reklamo, ti investigator, a nagkonsulta iti Title IX Coordinator, irebiuna dagiti impormasion tapno maammuanna no masapul a maibasura wenno saan ti pormal a reklamo iti daytoy a punto ti imbestigasion.
 - i. No naammuan nga awan ti legal a pakaibasaran a maibasura ti pormal a reklamo, agtultuloy ti proseso ti panagreklamo.
 - ii. No naammuan a maysa wenno ad-adu ti legal a pakaibasaran a mangsuporta iti pannakaibasura ti pormal a reklamo, maibasura ti pormal a reklamo. Ti Title IX Coordinator aggidan a mangted iti naisurat a pakaammo iti pannakaibasura para iti agrekreklamo ken iti naidarum iti uneg ti tallo (3) nga aldaw ti kasta a panggeddeng.
- j. Kalinteg a Maaddaan iti Advisor
 - i. Adda oportunidad dagiti partido a maaddaan iti kadua bayat ti aniaman a panagdenggeg iti reklamo, pakairamanan ti oportunidad a kaduaen ti pilienna nga advisor iti aniaman a konektado a miting wenno pannakadenggeg, a dayta a tao ket mabalin nga abogado, ngem saan a makalikaguman a kasta.
 - ii. Dagiti partido saanda laeng a mapili ti advisor-da wenno ti kaadda ti advisor-da iti aniaman a miting wenno panagdenggeg iti reklamo, nupay kasta, mabalin a mangaramid ti HIDEOE kadagiti restriksion iti kapaut ti pannakipartisipar ti advisor kadagiti panagdenggeg, agingga a patas ti pannakayaplikar dagiti restriksion iti agpada a partido.
 - iii. Dagiti advisor saanda a mabalin ti agtignay ken/wenno sumungbat para iti dasdasiganda a partido.
 - iv. Bayat dagiti miting ken/wenno interbiu, mapalubosan a presente dagiti partido ken dagiti advisor-da.
 - v. Mabalin a presente ti advisor iti aniaman a miting wenno interbiu para iti dasdasiganna a partido.
- k. Panagurnong iti Ebidensia
 - i. Ti dagsen ti ebidensia ken ti dagsen ti panagurnong iti ebidensia nga umdas tapno makapagdesision iti makin-responsabilidad ket nakadepende iti HIDEOE, imbes a kadagiti partido.
 - ii. Ti HIDEOE saanna a luktan, ikonsiderar, iruar, wenno usaren dagiti rekord ti maysa a partido nga inaramid wenno iduldulin ti maysa a doktor, psychiatrist, psychologist, wenno sabali pay a propesional wenno parapropesional nga agtignay a kas propesional wenno parapropesional, wenno tumultulong iti kasta a kapasidad, ken dagita a rekord ket naaramid ken maidulin mainaig iti probision a pannakatrato ti partido, malaksid no adda maala a boluntario ken

Temporario nga Addang iti Panagdarum Gapu iti Seksual a Panangrribuk

- naisurat a pammalubos ti partido a maaramid ti kasta para iti proseso ti panagreklamo.
- iii. Dagiti partido masapul nga addaanda iti patas nga oportunidad a mangipresenta kadagiti testigo, pakairamanan dagiti testigo a makaited iti kinapudno ken eksperto, ken iti dadduma pay a nadagsen ken nalag-an nga ebidensia.
- I. Saan nga iparit ti HDOE a pagsaritaan ti aniaman a partido dagiti alegasion a maim-imbestigaran wenno agurnong ken ipresenta dagiti mainaig nga ebidensia.
 - m. Ti maysa a partido, a ti pannakipartisiparna ket maekspektar wenno naimbitaran, masapul a maikkan iti naisurat a pakaammo maipapan iti petsa, oras, lokasion, dagiti partisipante, ken panggep ti amin a panagdenggeg, interbiu a panagimbestigat, wenno dadduma pay a miting, nga addaan ti partido iti umdas a tiempo nga agsagana a makipartisipar.
 - n. Inspeksion ken Pannakarebiu ti Ebidensia
 - i. Apaman a maurnong ti amin nga ebidensia, ken sakbay a makompleto ti report ti imbestigasion, ti agrekreklamo ken ti naidarum agpada nga adda oportunidadda a mangusig ken mangrebiu iti ebidensia a direkta a konektado kadagiti alegasion a naipan iti pormal a reklamo. Ramanen daytoy dagiti ebidensia a saan a mapagtalkan tapno maikeddeng ti makin-responsabilidad, ken dagiti nadagsen ken nalag-an nga ebidensia a nagtaud iti maysa a partido wenno iti sabali.
 - ii. Dagiti ebidensia masapul a maipatulod kadagiti partido ken kadagiti advisor-da, no adda, iti nayimprenta wenno electronic format sakbay a makompleto ti report ti imbestigasion.
 - iii. Addaan dagiti partido iti sangapulo (10) nga aldaw a mangted iti naisurat a sungbat maipapan kadagiti naurnong nga ebidensia.
 - iv. Masapul nga ikonsiderar ti investigator dagiti naisurat a sungbat dagiti partido no aramidenna ti report ti imbestigasion.
 - o. Report ti Imbestigasion
 - i. Mangaramid ti investigator iti report ti imbestigasion a patas a mangisumario kadagiti konektado nga ebidensia.
 - ii. Di kumurang a sangapulo (10) nga aldaw sakbay ti pangngeddeng iti makin-responsabilidad babaen ti para-desision, masapul nga ipatulod ti investigator iti kada partido, no adda, ti kopia ti report ti imbestigasion tapno marebiu ken makaisuratda iti sungbat.
 - iii. Ti report ti imbestigasion mabalina nga ipatulod iti electronic format wenno nayimprenta a kopia.

8. Proceso a Panagaramid iti Desision

- a. Naisurat a Konektado a Salsaludsod Para Kadagiti Partido ken Testigo
 - i. Kalpasan a naipatulod ti report ti imbestigasion kadagiti partido, ngem sakbay a maaramid ti pangngeddeng iti makin-responsabilidad, masapul nga ikkan ti para-desision ti kada partido iti oportunidad a mangisumitir iti naisurat ken

Temporario nga Addang iti Panagdarum Gapu iti Seksual a Panangriribuk

- napapateg a saludsod a kayat ti partido a damagen iti aniaman a partido wenno testigo.
- ii. Kada partido masapul a maikkan kadagiti sungbat iti naisurat a napapateg a saludsod, ken mapalubosan nga agdamag iti kanayonan ngem limitado a saludsod iti kada partido.
 - iii. Dagiti saludsod ken ebidensia maipapan iti seksual nga inklinasion ti agrekreklamo wenno iti dati a seksual nga aramidna ket saan a maibilang a mausar iti kaso, malaksid no dagita a saludsod ken ebidensia maipapan iti dati a seksual nga aramid ti agrekreklamo ket mayoprese tapno mapaneknekan nga adda sabali, malaksid iti naidarum, a nakaaramid iti ipabpabasol ti agrekreklamo, wenno no dagiti saludsod ken ebidensia ket maipanggep kadagiti espesipiko nga insidente iti dati a seksual nga aramid ti agrekreklamo mainaig iti naidarum ken nayoprese dagita a mangpaneknek iti pammalubos.
 - iv. Dagiti para-desision masapul nga ilawlawagda iti partido nga agsalsaludsod ti aniaman a desision a di mangiraman iti saludsod ta awan koneksionna iti kaso.
- b. Ti para-desision tingitingenna a naimbag ti amin a konektado nga ebidensia, pakairamanan dagiti nadagsen ken nalag-an nga ebidensia. Aniaman a pangngeddeng iti kredibilidad ket mabalina a saan a base no dayta a tao ket agrekreklamo, naidarum, wenno testigo.
- c. Masapul a mangiruar ti para-desision iti naisurat a pangngeddeng iti responsabilidad. Tapno madanon daytoy a pangngeddeng, ti para-desision iyaplikarna ti estandarte a “dagsen ken pateg dagiti ebidensia.”
- d. Ti naisurat a pangngeddeng masapul a ramanenna dagiti sumaganad nga impormasion:
- i. Pannakabigbig dagiti alegasion a posible a maibilang a seksual a panangriribuk, kas nadepinar iti ngato;
 - ii. Deskripsion dagiti nasurot nga addang manipud naawat ti pormal a reklamo babaen ti pangngeddeng, pakairamanan ti aniaman a panangpakaammo kadagiti partido, pannakainterbiu dagiti partido ken testigo, ibibisita iti lokasion, ken dagiti pamay-an ti panagurnong iti dadduma pay nga ebidensia.
 - iii. Pannakaduktal iti detalye a mangsuporta iti pangngeddeng;
 - iv. Dagiti konklusion maipanggep iti panangyaplikar ti HIDEOE iti Code of Conduct maipapan kadagiti detalye;
 - v. Testamento ken pangngeddeng iti resulta ti tunggal alegasion, pakairamanan ti pangngeddeng iti makin-responsabilidad, aniaman a mangdisiplina a panangiparit a naipataw iti naidarum, ken no adda dagiti solusyon a nadisenio a mangisubli wenno mangtaginayon iti patas a pribileho iti programa wenno aktibidad a pang-edukasion ti HIDEOE ket masapul nga ipaay ti HIDEOE iti agrekreklamo; ken
 - vi. Dagiti pamay-an ken maipalubos a basaran nga agapelar ti agrekreklamo ken ti naidarum.
 - vii. Ti deskripsion dagiti pamay-an ken maipalubos a basaran nga agapelar ti agrekreklamo ken ti naidarum masapul a ramanenna no asino ti para-desision para iti proseso ti panagapelar.

Temporario nga Addang iti Panagdarum Gapu iti Seksual a Panangrribuk

- e. Ti para-desision masapul nga aggiddan a mangted iti naisurat a desision kadagiti partido.
- f. Ti desision iti makin-responsabilidad ket agbalin a pinal iti petsa a naikkan dagiti partido iti naisurat a desision iti resulta ti panagapelar, no naipila ti panagapelar, wenna saan a naipila ti panagapelar, ti petsa a saanen a maibilang a naintiempuan ti panagapelar.

9. Dagiti Panagapelar

- a. Addaan dagiti partido iti pito (7) nga aldaw manipud petsa ti naisurat a desision tapno makaisumitirda iti kiddaw ti panagapelar.
 - i. Ti kiddaw ti panagapelar masapul a maisumitir iti CRCB.
- b. Agpada a ti agrekreklamo ken ti naidarum adda kalinteganda nga agapelar iti:
 - i. Desision iti makin-responsabilidad; ken
 - ii. Pannakaibasura ti pormal a reklamo wenna aniaman nga alegasion.
- c. Maaramid ti panagapelar kadagitoy a basaran:
 - i. Di nasurot dagiti pamay-an isu a naapektaran ti resulta ti kaso;
 - ii. Baro nga ebidensia a di nainkalinteganda nga adda idi mairuar ti desision iti makin-responsabilidad wenna iti pannakaibasura, a makaapektar iti resulta ti kaso; ken
 - iii. Ti Title IX Coordinator, investigator, ken/wenna para-desision naisupadi ti kapanunotanna wenna pabor wenna kontra iti agrekreklamo wenna naidarum wenna ti individual nga agrekreklamo wenna naidarum a nangimpluensia iti resulta ti kaso.
- d. Apaman a maipila ti panagapelar, ipatulod ti CRCB ti pakaammo ti panagapelar iti sabali a partido.
- e. Ti pakaammo ti panagapelar ramanenna dagiti sumaganad nga impormasion:
 - i. Ti kinasiasino ti para-desision iti panagapelar;
 - ii. Deskripsion ti proseso iti panagapelar, pakairamanan ti kapaut ti panagisumitir kadagiti naisurat a sungbat kas panangsuporta wenna panangkuestion iti apelar;
 - iii. Impormasion no asino, sadino, ken ti pamay-an nga isumitir dagiti naisurat a sungbat dagiti partido; ken
 - iv. Kopia ti kiddaw ti panagapelar a naawat.
- f. Ti agpada a partido ket addaan iti patas nga oportunidad a mangisumitir iti naisurat a testamento kas pangsuporta wenna panangkuestion iti resulta ti kaso.
 - i. Addaan dagiti partido iti pito (7) nga aldaw manipud petsa ti pakaammo iti panagapelar tapno maisumitirda ti naisurat a sungbatda.
 - ii. Dagiti naisurat a sungbat dagiti partido ket masapul a maipatulod iti para-desision para iti panagapelar.

Temporario nga Addang iti Panagdarum Gapu iti Seksual a Panangriribuk

- g. Iti ngudo ti pito (7) nga aldaw a naited kadagiti partido tapno maisumitirda ti naisurat a sungbatda, ti para-desision para iti panagapelar adda 21 nga aldaw a panangrebiuna iti sungbat dagiti partido, ken aniaman a sabali pay a konektado nga impormasion; ken mangaramid iti desision iti panagapelar.
- h. Ti para-desision para iti panagapelar masapul a mangiruar iti naisurat a desision a mangdeskribir iti resulta ti panagapelar ken iti rason ti resulta.
 - i. Ti naisurat a desision masapul nga aggidan a maited iti agrekreklamo ken iti naidarum.
 - ii. Ti naisurat a desision ti panagapelar masapul a maipatulod kadagiti partido iti maudi nga aldaw ti kapaut para ti para-desision tapno maibagana ti desision.
 - iii. Dagiti impormasion a masapul a mairaman iti naisurat a desision iti panagapelar ramanenna:
 - a. Dagiti resulta/desision a mayap-apelar;
 - b. Ti basaran ti panagapelar;
 - c. Ti desision iti panagapelar; ken
 - d. Ti rason ti desision iti panagapelar.
 - iv. Ti naisurat a desision iti panagapelar ramanenna ti testamento a pinalen ti desision.

10. Dagiti Mangsuporta nga Aksion

- a. Dagiti posible a mangsuporta nga aksion ramanenna ti:
 - i. Panangbalakad;
 - ii. Pannakayalud-od ti tiempo wenno dadduma pay nga adjustment a konektado iti kurso;
 - iii. Pannakabaliw dagiti iskedul ti trabaho wenno klase;
 - iv. Serbisio a panangguardia iti uneg ti campus;
 - v. Agpada a pannakaiparit ti panagkinnontak ti agsumbangir a partido;
 - vi. Panag-leave of absence;
 - vii. Mas istrikto a seguridad ken panangmonitor iti espisipiko a lokasion iti campus; ken
 - viii. Dadduma pay nga umasping nga addang.
- b. Masapul a pagtalinaeden ti HIDEOE a kompidensial ti aniaman a mangsuporta nga aksion a naipaay iti agrekreklamo ken iti naidarum, no la ket ti kasta a kompidensial a banag saanna a pakapuyen ti bileg ti HIDEOE a mangipaay kadagiti mangsuporta nga aksion.

11. Emerhensia a Pannakaikkat ken Administrative Leave

- a. Emerhensia a pannakaikkat
 - i. Sakbay nga emerhensia a maikkat ti naidarum, masapul nga adda maaramid a pang-individual a panangalisar iti peggad.

Temporario nga Addang iti Panagdarum Gapu iti Seksual a Panangrribuk

- ii. Ti panggep ti pang-individual a panangalisar iti peggad ket panangusig no adda madagdagus a peggad iti salun-at wenno kinatalged ti asinoman nga estudiante wenno dadduma pay nga individual ken iti peggad ti rason a pakaikkatan.
 - iii. Masapul a makita ti direkta a peggad gapu kadagiti alegasion ti seksual a panangrribuk kas nadepinar iti ngato.
 - iv. No naaramid ti panagdesision a pakaikkatan ti naidarum, masapul a maikkan ti naidarum iti pakaammo ti pannakaikkat ken iti oportunidad a mangkuestion iti desision a maikkat iti maysa a programa wenno aktibidad a pang-edukasion.
 - a. Ti HIDEOE patulodanna ti naidarum iti naisurat a pakaammo ti pannakaikkat.
 - b. Ti panangkuestion iti pannakaikkat ket masapul a maawat iti uneg ti lima (5) nga aldaw manipud petsa ti naisurat a pakaammo ti pannakaikkat.
 - c. Responsabilidad ti naidarum nga ipakita a di umiso ti desision a pannakaikkatna.
 - d. Ti principal/designee addaan iti tallo (3) nga aldaw a mangiruar iti desision ken mangibaga iti daytoy a desision iti naidarum.
 - e. Ti desision ket maibilang a pinal.
 - v. Matingiting ti pannakayimplementar wenno saan ti maysa nga emerhensia no umuna nga adda naawat a report ti seksual a panangrribuk, kasta met ti nadumaduma a tukad ti proseso ti panagrekلامo iti Title IX, no maitutuop.
 - vi. Ti probision nga emerhensia a pannakaikkat saanna a baliwan dagiti kalintegangan iti Individuals with Disabilities Education Act, Section 504 of the Rehabilitation Act of 1973 wenno iti Americans with Disabilities Act.
- b. Temporario a di panagtrabaho
- i. Ti HIDEOE ti mangtingiting no ikabilna ti maysa nga empleado iti temporario a di panagtrabaho bayat ti pannakaitantan ti proseso ti panagrekلامo.
 - ii. Mabalina a maikeddeng no nainkalintegangan wenno saan ti kasta a di panagtrabaho iti aniaman a tukad daytoy a proseso ti panagrekلامo.
 - iii. Ti probision a temporario a di panagtrabaho saanna a baliwan dagiti kalintegangan iti Section 504 of the Rehabilitation Act of 1973 wenno iti Americans with Disabilities Act.

12. Di Agpada nga Interes ken Di Patas

- a. Ti Title IX Coordinator, investigator, ken para-desision saan a mabalina a di agpada ti interesda wenno dida patas wenno kontrada kadagiti agrekrekلامo wenno naidarum wenno iti individual nga agrekrekلامo wenno naidarum.
 - i. No adda aniaman a pakaseknan a di agpada ti interes ken/wenno di patas iti biang dagiti nadakamat itay nga individual, matingiting ti situasion.
 - ii. No matingiting nga adda kasta a di panagpada ti interes ken/wenno di patas, maikkat ti individual manipud proseso ti panagrekلامo, ken sabal nga individual, a saan a dati a karaman iti proseso ti panagrekلامo, ti makiraman iti dayta a partikular nga akem.

Temporario nga Addang iti Panagdarum Gapu iti Seksual a Panangrribuk

13. Estandarte ti Ebidensia

- a. Ti estandarte nga ebidensia iti panangdeterminar iti makin-responsabilidad ket ti Dagsen ken Pateg Dagiti Ebidensia. Maragpat daytoy nga estandarte no madeterminar a mabalin a di napasamak ti alegasion.

14. Panangako iti Responsabilidad

- a. Adda panangako a saan a manungsungbat ti naidarum iti alegasion kontra kenkuana agingga a maaramid ti pangngeddeng iti ngudo ti proseso ti panagreklamo.

15. Proceso ti Impormal a Resolusion

- a. Awan ti proseso ti impormal a resolusion ti mayoprese kas paset ti proseso ti panagreklamo.

16. Dagiti Posible a Mangdisiplina a Panangiparit ken Remedio

a. Ti posible a mangdisiplina a panangiparit para kadagiti empleado ramanenna ti:

- i. Berbal a pakdaar
- ii. Naisurat a pannubngar
- iii. Suspension
- iv. Pannakasisante iti trabaho

b. Ti posible a mangdisiplina a panangiparit para kadagiti estudiante ramanenna ti:

- i. Pannakakorehir ken pannakisarita iti estudiante
- ii. Pannakaikulong
- iii. Dagus a pannakaikkat
- iv. Pang-individual nga instruksion a konektado iti problema iti kababalin ti estudiante
- v. Temporario a suspension
- vi. Temporario nga alternatibo a panageskuela
- vii. Pannakapukaw kadagiti pribilehio
- viii. Panagsasarita dagiti nagannak
- ix. Limitado a tiempo iti opisina
- x. Suspension iti maysa agingga 10 nga aldaw a panagklase
- xi. Suspension iti 7 wenno ad-adu pay nga aldaw a panagklase
- xii. Panageskuela iti Sabado
- xiii. Mangdisiplina a pannakayakar iti eskulaan
- xiv. Panangikonsulta kadagiti alternatibo a programa ti edukasion
- xv. Pannakaikkat
- xvi. Panangtarimaan iti nadadael

c. Dagiti remedio

- i. Dagiti remedio ket masapul a nadisenio a mangisubli wenno mangpreserbar iti patas a pribileho kadagiti programa wenno aktibidad a pang-edukasion.

Temporario nga Addang iti Panagdarum Gapu iti Seksual a Panangrribuk

- ii. Dagiti remedio mabalin a ramanenna ti isu met laeng pang-individual a serbisio kas iti “mangsuporta nga aksion,” nupay kasta, dagiti remedio ket saan a kasapulan a di-mangdisiplina wenno di-mangdusa ken saan a maliklikan ti panangpadagsen iti naidarum.
- iii. Dagiti Posible a Remedio ramannenna ti:
 - a. Pannakabaliw dagiti eskediu ti panagklase ken aktibidad iti eskuelaan
 - b. Probision dagiti serbisio a mangsuporta kadagiti klase
 - c. Probision dagiti serbisio a mangsuporta iti medikal
 - d. Probision dagiti serbisio a mangsuporta iti sikolohia

17. Panagibales

- a. Awan asinoman nga empleado ti HIDEOE ti mangbutbuteng, mangipangta, mangpilit, wenno mangipakita iti diskriminasion iti asinoman nga individual tapno bianganna ti aniaman a kalintegan wenno pribilehio a sinigurado ti Title IX, wenno dagitoy a Temporario nga Addang, wenno gapu ta ti individual ket nagreport wenno nagreklamo, nagtestigo, timmulong, wenno nakipartisipar wenno nagkedked a makipartisipar iti aniaman a pamay-an iti maysa nga imbestigasion wenno panangdengngeg iti kaso iti sidong dagitoy a Temporario nga Addang.
- b. Maibilang a panagibales ti panangbutbuteng, panangipangta, panangpilit, wenno diskriminasion, pakairamanan dagiti darum kontra iti maysa nga individual gapu iti panangsukir iti Code of Conduct a saanna a ramanen ti diskriminasion iti sekso wenno seksual a panangrribuk, ngem gapu kadagiti isu met laeng a detalye wenno situasion kas report wenno reklamo iti diskriminasion iti sekso, wenno report wenno pormal a reklamo ti seksual a panangrribuk, tapno laeng makibiang iti aniaman a kalintegan wenno pribilehio a sinigurado ti Title IX wenno daytoy a paset.
- c. Dagiti reklamo maipapan iti maipagarup a panagibales ket mabalin nga ipila sigun iti isu met laeng a proseso ti panagreklamo kas kadagiti reklamo ti seksual a panangrribuk.

18. Dagiti Kalikaguman iti Panagidulin iti Rekord

- a. Masapul nga idulin ti HIDEOE dagiti rekord iti report ken reklamo ti seksual a panangrribuk. Dagita a rekord ramanenna ti:⁵
 - i. Kada imbestigasion ti seksual a panangrribuk, pakairamanan ti aniaman a panggeddeng iti responsabilidad;
 - ii. Aniaman a mangdisiplina a panangiparit nga impataw ti naidarum;
 - iii. Aniaman a remedio a naited iti agrekreklamo a nadisenio a mangisubli wenno mangtaginayon iti patas a pribileho iti programa wenno aktibidad a pang- edukasion ti HIDEOE;

⁵ Ti Section 106.45(b)(10)(i)(A) maipapan kadagiti regulasion kalikagumanna nga idulin met ti HIDEOE iti pito a tawen “[...] ti aniaman nga audio wenno audiovisual recording wenno transcript a kalikaguman ti parapo (b)(6)(i) iti daytoy a seksion, [...]” Ti Section 106.45(b)(6)(i) ket maipapan kadagiti aktual a panagdengngeg iti kaso a kalikaguman dagiti post-secondary institution, ngem opsional kadagiti elementary ken secondary school. Kas maysa a K-12 public school system, inkeddeng ti HIDEOE a dagiti aktual a panagdengngeg iti kaso ket saan a paset ti proseso ti panagreklamo iti Title IX. Ti Section 106.45(b)(10)(i)(A) kalikagumanna met nga idulin ti HIDEOE iti pito a tawen dagiti rekord ti aniaman nga impormal a resolusion, ken dagiti resulta ti kasta nga impormal a resolusion. Inkeddeng ti HIDEOE a dagiti impormal a resolusion ket paset ti proseso ti panagreklamo iti Title IX.

Temporario nga Addang iti Panagdarum Gapu iti Seksual a Panangrribuk

- iv. Aniaman nga apelar, pakairamanan ti resulta ti apelar; ken
 - v. Amin a material a pangsanay kadagiti Title IX Coordinator, investigator, ken para-desision. Masapul nga ipubliko ti HIDEO dagitoy a material iti website.
- b. Masapul nga idulin ti HIDEO dagiti rekord ti sungbatna iti seksual a panangrribuk. Dagitoy a rekord ramanenna ti rekord ti aniaman nga aksion, pakairamanan ti:
- i. Dagiti mangsuporta nga aksion kas sungbat iti maysa a report wenno pormal a reklamo ti seksual a panangrribuk. No awan dagiti mangsuporta nga aksion a naited iti agrekreklamo, ti dokumento iti rason no apay a nalawag a di nainrasonan ti kasta a sungbat gapu kadagiti ammon a situasion;
 - ii. Ti dokumento ti kada report a naawat ken ti kada situasion, saan nga inggagara a di maseknan ti sungbat ti HIDEO ti basaran ti konklusonna; ken
 - iii. Ti dokumento dagiti nasurot nga addang tapno maisubli ken/wenno mataginayon ti pribilehio kadagiti programa ken aktibidad a pang-edukasion ti HIDEO.